

花
宜
館
詩
鈔

花宜館詩鈔卷之七

錢塘吳振棫宜甫

古今體詩八十一首

起壬辰春
盡癸巳冬

寒食王家鵑展樊榭先生墓

波肥烟嫩路迴環竹鳴陰陰碣蘚斑三月梅花作寒食

已過上巳而梅未落幾人杯酒弔空山清門世業今誰在勝地吟

魂去不還彌勒龕中香一瓣卻憐風景勝牙灣樊榭栗主向供

牙灣黃文節公祠中今移交
蘆庵塔院是日至庵瞻禮

交蘆庵

漠漠林烟空幽鳥啼未已庵中白髮僧開門看春水

過小米觀馴齋

印破苔痕一道斜
偶來竹裏試新茶
卷簾急雪沙沙響
落盡牆陰薜荔花

張卿子隱君畫像

自占蜚遞避雲羅
射易平生託淡窩
詩裏野花傳世早

詩集甚富野花詩尤為世所傳誦
山中靈藥活人多
當時五老聯翩會

此日三堂寂寞過
里巷兒童知姓字
所居之處今東皋呼張卿子巷

流韻較如何
同時張右民字東皋亦以高行著

贈沈敘軒觀察
敘軒名敦彞曩嘗官南河時聞河決桃南

豈為功名黯自傷
卻愁樾竹唱宣房
國工斂手看棋劫

故將驚心夢戰場
世事從薪功不賞
鄉園鋤菜味偏長
更將腰腳誇難弟
一笠尋秋度石梁
時將訪其弟敦誠于溫且爲天台雁蕩之遊

空田

龜坼空田廢不治
求言

溫詔下彤墀
張公詎費回天力
白傅應傳賀雨詩
天下飢寒三輔急

至尊憂歎百神知
如何萬里珠江外
尙是徵芻輓粟時

楚天

楚天渺渺歎彭亡
日落迴溪瘴霧黃
幻事爭傳化猿鶴

有室會言金
危機未悟伺螳螂不聞司馬論軍法空遣騷人弔國殤
太息漢家恩最重孤兒猶隸羽林郎

讀史四首

年少何來車騎都平明僚吏府中趨身依太乙常居地
名在仙源積慶圖暇日從遊經桂觀奇珍拜賜出椒塗
玉衣別具家人禮屬籍恩榮有此無

十年瑤殿護宸旒豹尾班居最上頭似爲傳烽提虎旅
已看奉敕下龍樓橫馳騾裏黃塵熱徧采珊瑚碧澣秋
容易功成蒙上賞果然談笑取封侯

捷徑風雲萬里開紛紛珠履客追陪笑攜短簿髯參去

飽看蠻花犵鳥迴馬革不埋終是福羊頭易爛莫論才
淩烟舊事分明在浴鐵身經百戰來

卷旆迴鑣上苑東更無王濟與爭功衣冠客拜車塵裏
歌舞春酣幕府中豈有狐狸驕白日不聞鷹隼下高空
何人卻避元規汗惆悵秋來障扇風

書農香泉蕙窗小米松如集小羅浮山館看菊

種菊無閒園買菊償所好冷香不出屋瘦蝶忽飛到無
事日相對一靜息萬躁晴窗罷午櫺嘉客儼然造清談
聊肆情花意亦不傲置觴相流連九月落烏帽

費曉樓

丹旭

摹厲徵君小像以貽奚子復蓋子復

所居榆蔭樓卽昔年鮑氏溪樓徵君迎姬人月
上處也曉樓屬媵以詩卽用徵君溪樓作元韻
蘋風送雙槳遙指碧湖口當時團圓月冷挂溪上柳不
信枯寒入豔福壓豪右溪樓灑茗雪丹堊百年後奚生
老好事釀具羅戶牖飲酣蹋壁臥歲月不知久安得起
九京論詩奉觴酒牢落江湖心付此寫真手彷彿句初
圓得意拍銅斗惜未貌嬋娟婉變從此叟

冬日桐隴山家

晨霜晞陽岑萬滴作雨響晴原衆禽下虛谷孤雲往人
烟旣蕭條蹊徑益森爽羣峰斂真氣萬物靜能養山翁

負簷曝破屋任俯仰種田四十年笑看子孫長安知朝
市胸顛倒有萬想

錄別八首

孟夏當出門卜日屢不果澤浚逼歲除行色急如火今
也何倥傯昔也何嬾惰家人苦相詰非我安知我右軍
誓墓文高致出塵堞淵明思絃歌作計亦非左事皆適
然耳行止無不可回頭語家人毋損好花朵灌園謹燥
濕樹枳務帖妥儻益地數弓兼可藝蔬畝負鋤力能任
終欲田衣裹

家人

學士耽沈冥病濕不止酒江村葦船子鯨吸日幾斗糟

邱角兩雄盛氣壓曹耦斫地爲悲歌喝月使倒走下筆
聲淵淵霹靂出其手我生不嗜飲愛此酒中友酒可隨
處沽友亦隨處有誰能如越醪清醕能耐久誰能如兩

翁膠漆到白首

書農
蕙臆

東軒好花樹彷彿如山家弟兄互斟酌爲樂未有涯米
老尤篤學讀書咀其華所親江夏黃文藻吐滂葩窮年
共鉛槧攻玉無留瑕與我最相暱有若輔與車九日十
一詣吾意未云賒米老賦招隱恐觸虞人罫聞言感且
愧默默還自嗟黃公但微笑笑指階下花春風幾開落

待爾酌流霞

香泉
小米

松老秀而羸耽吟惟擁鼻仲子常養疴萬卷仍篤嗜有
子皆美才鏗鏗說經義爲學慎始基母使誤浮僞科名
亦何爲金紫良細事異時畢昏嫁我輩老將至

兩君之
子余壻

也邱壑近可尋相招共高寄必誇五岳遊亦是好名累

仲甫
松如

莊生嶽嵴人頗好作奇語風采傾貴人意氣狎大賈一
官不屑就鈔書滿筐篋愛我非俗流冰雪出肝腑飄蓬
本無根離合難細數今年又言別愁抱在何許寒晨倚
樓聽

芝階住近艮山門瀕河
有樓舟楫所必經也

風雪一枝觴

芝階

天性好美色美莫如西湖柔滑養吾目神仙好肌膚古

人同所愛長官白與蘇去後輒相憶作詩時歎吁我今
湖上民蹤跡更非疏人情所久習雖陋亦足娛山鬟澣
春匳況是傾城姝歸來重相尋願作泛泛鳧但恐照顏
色已白鬢鬢須

西湖

先人手種梅著花逾十年三株在池上兩樹在屋前年
年芳訊早爭鬪玉色鮮今年枝頭蘂琴甲三分圓更遲
三四旬朵朵明春烟安能健步移香上驢背韉莽莽風
沙中斷此冰雪緣花當主人笑花亦主人憐酌之酒一
鍾侑以詩一篇歲寒各珍重慎弗損清妍

園中梅

讀書不能多買書嘗恨少遠遊難載書巾箱僅能保官

閒得休沐亦欲事探討借書如借州得書如得寶迴思
小樓上亂帙恣風齧有如隔良朋寂寞傷懷抱輒欲臥
衡門諷詠送吾老妻孥非白魚安能以書飽一笑姑置
之此事固難了

架上書

芝階仲甫松如攜酒肴追餞於沈塘灣迫暮悵然
而別

載酒迢迢泛夕陽舟前雪葦臥寒塘晚鴉莫便催人去
知更何年共引觴

五人墓

五人墓武邱路五人怒呼緹騎怖喘汗義兒毛一鷺朝

廷貴人多諂附冰山峩峩一朝仆不如屠沽流俠骨鬼

神護君不見昔時祠今日墓

墓卽當時所建魏忠賢普惠祠遺址

闔廬墓

劒池池水映清虛劒三千事有諸鶴市地連荒草外
蛇門人去暮潮餘築臺幾日看遊鹿伏甲當年枉進魚
差勝猶亭一堞土玉鳧終古記遺墟

舟泊京口大風雪連日夜不得渡一日半渡風復

作遂泊焦山與沈西屏姚雪蕉家筠軒金讓水

諸孝廉春燾姪遍遊諸寺歸作短歌以紀之

揚子江頭風斷渡雪片狂飛不肯住蜃窗深閉失昏曉

但聽饑鳥叫堤樹雪晴放棹風復作高浪吞舟乍驚愕
舟師鼓勇與風鬪破浪舟從寺門泊寺門冷落僧賣酒
得酒歌呼輕一斗雪後荒寒境更奇江山雲物皆吾有
一身南北廿載過不來奈負焦先何此遊奇絕得意外
明當買酒酬孟婆

登焦山頂望海

既罷寺樓飲極望升山椒蒼然見海色遠與浮雲高南
檣入閩粵北棹通瀋遼破碎島嶼失澎湃乾坤包誰能
控赤鯁空言駕仙黿靈怪豈可盡賦述徒爲勞往者東
吳杭帆海駛千艘逡巡役旋罷訾議權易撓轉漕法已

久蠹弊紛如毛矧憂蟻穴潰洪河梗風濤後戶備通塞
天倉覬豐饒我愚豈識遠徒令心忉忉徘徊日欲夕江
烟黯松寥

暮泊瓜州示金沈諸君

飛渡長年喜江鳥散暮天帆收瓜步月鐘度秣陵煙賭
酒吾猶壯同舟客似仙家家盼消息急爲尺書傳

除夕宿袁浦

此夜年年有今年百感生孤舟異鄉飲萬里大河聲爆
竹村村接檣燈岸岸明遙憐繡帷裏憶遠夢難成

至濟南同年王蘭卿學使

丙

蘇鼇石廉訪

廷玉

程

玉樵都轉

德潤

孔莘農明府

繼尹

招飲於芙蓉

泚

浮生無定所偶聚亦欣然倉促猶情話飛揚失壯年早
春纔見雪寒水欲生烟歡飲非容易誰能惜俸錢

黃村曉發

鐘聲昨夜滿黃村聞道皇姑舊寺存不識夜行誰最早
一街殘雪馬蹄痕

爲客

爲客惟便

平聲

靜驚寒欲廢眠雞聲殘雪裏心事曉鐘前

大第喧車騎春燈照管絃誰知窮巷底常負酒家錢

酒樓曲

長安楊柳煖含煙春來綠滿酒樓前五侯七貴車騎盛
談笑風流多少年少年最愛吳兒曲吳兒十五面如玉
樓前馬嘶花亂飛繡車扶下春衫綠野駝之蹄斑鹿唇
百斛買取拋青春當筵定子紅霞膩淺笑持杯泥殺人
此時爲歡情未已此時月落鴉啼起可憐少婦卜燈花
年年夢斷紅閨裏

長安車馬客行

北澗之水南澗流東家花落西家樓世間萬事豈有定
雲翻雨覆無時休長安車馬喧如市炙手何人勢莫比

門前十二列畫戟堂上三千會珠履九天鵠鑰啓晴暉
畫戟雕輪走流水朝來謹伺濯龍門暮來卻謁鳴珂里
朝朝暮暮客紛紛長安如弈古來聞公孫延納方開閣
翟尉淒涼又署門賀客回趨王少傅故人都別濯將軍
獨有幽人臥蓬宅冷看浮雲雙眼白飲酒不顧尙書期
豈有心情對殘客

紫蒙茸館

宣武坊南借一椽貴遊名姓早茫然藤陰展簟足清臥
門外車塵紅漲天

輓陳午橋

鴻

參議

鄉彥彬彬盛搢紳如君清節最嶙峋一時斂手噤汙吏
君爲御史稽查銀庫獨不爲吏所染海內聞風疑古人死後論交誰耐久
病中談往已傷神余至京君已病矣當年諫草知焚卻記說客
嗟動

玉宸

癸巳七月去京師將之鳳陽

策馬桑乾熟往還幾回除授鬢華斑秋風又被催詩興
青桂淮南大小山

十二連橋曲

在趙北口

前橋過後橋續驅車上橋聲轆轤沙氣橫遮塞月黃角

聲吹斷烟條綠風塵抑鬱厭征袍兀兀雙輪暮復朝沙
棠載酒秋湖夢裏六橋通外六橋

揚州舊時園亭率就荒圯比偶遊覽爲之悵然

畫舫稀疏誰命酒紅橋冷落不聞歌斜風只釀愁千斛
如此江山奈爾何

史閣部祠

閩外搢殘局朝端扼異謀將軍多跋扈天子自風流柴
市無窮恨蕪城自古愁忠魂定何處松柏孝陵秋

金陵

真人濛濛氣飛揚馬上居然定八方燕子北來愁潁洞

龍孫南渡事倉黃
金蓮玉樹春仍好
朱雀烏衣蹟又荒
細校六朝都似夢
只憑江水管興亡

江心孤宿對月成吟

茫然淩萬頃
斷柳共烏篷
月色親孤客
江聲帶早鴻
焚香淹永夕
鳴柁覺微風
寥落水雲外
俗情都向空

江漲二首

橫流失歸墟
千里汨吳楚
翻疑鴻濛初
鬢別未命禹
高浪駕陵阜
平波蕩洲渚
北鴈不敢來
天外倦遙翫
我舟西南征
一帆佐雙觴
日落水氣昏
欲泊無處所
四垂窮遠目
不見尺寸土
豈知舟所經
其下昔禾黍
魚鼈飽人

血此物亦何取

昨日真州郭今日白下門城中懸釜炊何論負郭村枯
林亦未盡敗堵兀尙存參差畫樓簷水光相吐吞迴看
雉堞畔露宿千峰屯縣官給蘆簾詎可當藩垣提挈賸
罌甌東西別雞豚常被苦雨欺濕襦不能溫兒寒踏衾
裂中夜啼聲喧兒啼且弗喧魚腹多冤魂凍餓不相失
固是江神恩

中秋金陵僧寺

城中秋漲水三篙城外山圍寺六朝何似錢唐江上夜
十分明月九分潮

江上望太白樓感舊作

少年頗憶謝將軍吟對青山思不羣
停舟牛渚待明月正好青天無片雲
故人多是滄洲客乘興相邀尋李白
白也騎鯨去不還但見烟波弄春碧
然犀浦蛾眉亭江霧欲合花冥冥
桃樹陂前幾白鳥玉鏡潭下千明星
荆王之璣金胡瓶酒龍夜渴奔滄溟
千鷺萬燕并一響玉簫怨咽難爲聽
今日危檣逆秋浪卻望高樓似天上
天上神仙不可攀興闌詩句難雄放
故人寂寞向山邱今年白髮上我頭
殷勤說與沙頭月莫更飛來江上樓

荻港弔黃靖南侯

南渡仍荒宴吁嗟馬阮儔連兵空四鎮殉國獨千秋殘
局倉皇了寒江嗚咽流梅花望高嶺開府在揚州

青陽道中

秋浦聞猿淚未乾客懷難借酒杯寬濛濛九子山頭雨
又向篷窗作晚寒

江行口號

蘆風荻雨太淒清板子磯頭夕照橫新鴈一繩斜度處
數峯青峭不知名

泊安慶移入城中

明朝不借馬當風爲愛青山就皖公秋色蒼茫吳楚外

人家高下水雲中便攜襪被呼羸馬好寫鄉書付早鴻
手版重看紅刺眼十年羈宦欲成翁

江上逢陳梅田同年

壤

楚岸楓林秋色濃故人難得老相逢九峯聞說蓮華似
君住江干第幾峯

且住

且住爲佳耳匡牀託嘯歌山城秋望迴江雁暮聞多埽
徑從奴嬾攤書畏客過周旋吾與我此計失蹉跎

丞簿歎

丞耶簿耶滿街走安得車前馬如狗臺參大吏排作行

領之不能辨誰某一翁坊西住十年坊東一翁來在前
妻孥信斷童僕散三旬九食廚無煙幾回曠蕩推恩例
多少豪家起投袂朝來謁客名刺新璘璫雜佩穩稱身
卻思廿載前頭事翁亦珍裘寶帶人

秋夜曲

黃荆持作枕紫荆持作牀不恨妾夢短但苦秋夜長

桐城道中

秋烟都埽盡七十二峯明岡樹橫侵路江雲亂入城馬
調行有態蟬老墮無聲何處璇淵館空聞居士名

吳志載周瑜廬江舒人從孫策攻皖得喬公二女

策自納大喬瑜納小喬其事在建安三年赤壁
之戰則建安十三年也十四年冬魏始作銅爵
臺唐杜牧之折戟沈沙一詩自是興到語非有
所據而傳奇家遂祖其說頃過舒城偶憶此事
因爲一絕句

一火華容敗騎回未聞鄴下有三臺如何銅爵春深句
卻遣司勳浪費才

九日宿定遠縣懷仲甫

牆角鈴薔菊淮南亦有花無人同把酒此日易思家荒
驛風欺枕高城雨咽笳遙憐蔣生徑霜草任橫斜

鳳陽

飲馬清淮客解裝
鬢邊菊蕊正新黃
朝來拄笏看山色

一笑飛來青鳳凰

城在鳳凰山麓

明湯襄武墓

一代韓彭恨英雄
淚數揮已看高鳥盡
誰共錦衣歸竹帛
中都盛杯觴故老稀
清淮賸荒壘惆悵說知幾

張少伯

宜尊

畫山水圖

巖懸嶺削青塞屋
松風泠泠掛珠瀑
粗官束縛向荒衙
不信將身落烟谷
知君好手能逼真
坐臥令人看不足
古來能事羞促迫
十日一水五日石
君真樂此意不疲

少年作畫今頭白蒙頭醉眠忽有悟急捉秋醜錯丹青
風雲驅使須臾間萬里青冥生咫尺洞庭巴陵秋水平
竹枝嫋嫋歌最清林昏霜浦鷓鴣怨雨翻石窟鼉鼉驚
君老未得歸湘衡含毫渺渺鄉關情湘靈連蜷爛帝服
恍惚抗手雲中迎我今謂子莫惆悵策蹇益從東海上
羨門高誓儻可求爲寫圓壺與方丈十洲風俗似吳人
他日攜將作屏幃

時余將
赴山東

臨淮送人還錢塘

惜別持清觴寒槐雨中夕同此千里身君歸我猶客長
淮互鍾離杳與江波隔素書寄良難鯉魚空盈尺念君

還鄉時湖草迴新碧
月邱中琴遲僧花下
屐獨憐宦遊者端居
憂思積還從蒼苔上
尋君履綦迹

鳳陽皇陵

帝制追尊地微時渴
葬身上陵巡紫輶置
成逼黃巾雲雪纔通
徑樵蘇偶見人荒荒
斜照裏石馬尚嶙峋

淮白魚

淮白魚玉雪白皎然
恥受泥沙污滌滯羣
遊不盈尺長淮濁浪
多大魚昂首掉尾相
吞屠晨咀暮嚼實貪
腹縱有冤苦誰驅除
龍堂日擊馮蠡鼓萬
鬣千鱗颯風雨汝雖
潔白甚細微龍公生
平豈識汝

龍興寺懷古

渡江人已化真龍百戰歸來問梵宮不使鐘魚悲寂寞
果然草澤有英雄大藩盡置談禪侶講座重開靖難功
二百餘年催電火只餘齋磬徹秋空

寄建木盧氏

蕭條古西號吏事儻能閒野火前朝戌秋聲一縣山星
躔依晉分月色近秦關幾日西風起鄉愁未易刪

乞近空投牒衰親跋涉難

縣去江南極遠雖鄰省仍不能迎養

因貧謀薄

養忍淚就微官稻嶸年常儉蔬鱸思未闌阿兄

春憐爾木

甚書問報平安

秋雨長安市吾先策騎行浮雲無定跡寒雁有同聲布
惠惟除蠹勤官莫避名好將循吏傳來慰故人情

濠州雪夜歎

濠州一冬雪不止清淮暴漲三尺水雪埋濕土麥易爛
水漲低田麥易死秋田歲歲報水荒但祝刈麥充饑腸
今年斗麥錢五百更恐明年食無麥嚴飈刺膚銛似刃
兒女單衣婦蓬鬢夜寒縮屋續餘燼忍死須臾待冬賑

畫鳳行

鳳陽城中多以畫鳳爲業

鳳兮鳳兮豈凡鳥彩翼羣飛拂晴昊醉時不覺醒始知
紛紛大幅丹青好城中幾人稱畫師五色之筆光陸離

青黃紫赤靡不有墨汁染出尤淋漓碧梧百尺何森爽
五鄒十子紛俯仰吹簫秦史事有無舉頭欲作青天想
此圖不知世何用過客買藏示珍重印文屈玉丹砂明
入手爭誇鳳陽鳳畫上乞郡印以別真贋君不見鳳陽城中多草
屋鳳陽城外波浪逐丹山去此路絕遠忍見蕭條滿谿
谷竹實琅玕無處尋誰能腥腐爭雞鶩又不見男衣百
結婦鬢蓬四方句食成土風洪湖底高拒淮水高浪一
卷千家空他時有

詔徵畫史曷若圖寫噉噉鴻

郡齋遣興

庭訟埽紛紜巡階損薜紋僧留芍陂鶴窗度韭山雲鄉
信吳船到碁聲雪夜聞近來無客過清絕泛鱸熏

寄友人涇縣

寄爾琴溪一紙書溪頭秋水碧何如閒來把釣須留眼
恐有仙人赤鯉魚

將去濠州而資用乏絕

時有登萊青道之命

少連詎有淮南物漫遣繁憂集百端巢燕去來真草草
磨驢蹤跡自團團宦遊似作無家別

時家累未至世態都輕

近替官且爲老饕謀一飽白魚如雪正堆盤

泚水懷古

東海大魚化爲龍草付當王咸陽中朱衣天神乍入夢
大秦自號天王雄課農講學百事舉芟夷逋穢如炳蓬
楊槐夾道徧亭驛關隴大有承平風六十二王方物貢
三十六國荒陲通大酺牛酒竊自喜漢之二武將無同
侈心一啓不可制窮兵遂欲窺江東景略遺言不復憶
諸臣進諫徒忡忡步騎百萬水陸並東西萬里連烟烽
投鞭斷流語甚壯欲開一統兼華戎豈知夷吾在江左
轉使兒輩成奇功堅頭雖堅不出項奈何急進追穉穉
鍾山神貪相國號八公草木驚軍容青岡一敗死相枕
豚髀甚媿村人忠大事已去國遂亂垂莫逞志皆姦兇

更憐冲也肆其毒鳳凰不念阿房桐魚羊食人讖申酉
當時悔不從朱彤我來淝水廢壘盡饑鴟叫雨秋空濛
五將之山在何處新平古寺哀無窮古來英雄多覆敗
大抵志業隳於終美哉權薛勗在德懷遠務紹唐虞蹤

閔子集

小市雞豚亂荒祠棟桷斜停車一憑弔寒色滿蘆花

宿州道中

三千殿腳錦帆低恍惚雞臺夢易迷今日冷烟荒草裏

無人知道是隋堤

城東堤曰汴堤卽隋堤也

千秋埋碧賸荒陂幾度中原大將旗怕問向來成敗事

草驢馱醉過符離

徐州

策馬彭門歲欲徂
障泥漸損錦模糊
天開大野風驅雁
冰滿長河夜渡狐
畫堠直通千驛遠
沙堤低瞰一城孤
羽衣吹笛黃樓上
還有人間逸客無

輓王蘭卿學使

春燈照雪共傾卮
殘歲重來恨已遲

余正月至濟南下榻學署別去未滿

歲也薄俸蹉跎償債願
全家驚泣唱名時

君方試士坐堂皇唱名未畢忽

焉而

流傳豪舉空驚俗
零落遺編竟付誰
異日南還感

鄰笛西風清怨滿
菱絲

君家菱溪

雪中過寒亭

長林黃葉盡凍坂青泥乾日暮風兼雪寒亭如此寒

昌邑道中作

逸禽多依林肥馬每在阜壯士不出門顏色那遽老晨
發昌邑縣視景日加卯平岡接高陵踏凍路鼎鼎風師
發狂吼終日勢未了亂崩山頭雲欲拔海上島積雪不
委地高下逞飛攬玉塵皆倒吹銀沫忽橫埽坐見百里
間一白塞穹昊身落混沌初萬象入幽杳癡奴驚而啼
馭卒僵欲倒迴皇迫曛暮南北遂失道依稀見野屋勉
赴亦草草燎衣就微火聊與謀束藁老翁出餅餌競買

反憎少此亦窮途中豈可論饑飽須臾勢小息稍稍辨
村堡指迷遵舊轍人情亦自好念余仕此邦小困方寸
撓嗟彼徒旅孤百憂怒如擣饑寒驅一世變幻出意表
空山杜門者所得固不小

歲除日至萊州喜家屬已自沂莒先至

八口幸無恙到官如到家夜談同歲酒喜氣入燈花頗
訝兒身長休曠婢語譁粃盆渾廢睡紅報海東霞

花宜館詩鈔卷之七終

花宜館詩鈔卷之八

錢塘吳振棫宜甫

古今體詩七十首

起甲午春
盡丁酉秋

海上

一氣苞混茫日月出其表非窮域外觀焉知九州小
潮聲奔萬靈龍氣濕諸島誰能求大藥令我白髮掃

萊州

兵銷二百載

明末孔有德叛
萊受攻最久

地并十三城山擁東趨勢

河流北嚮聲

諸水皆北
流入海

下車知俗美畫諾笑權輕但盼

春膏足青疇好餉耕

書安雅堂集後

國初論詩才齊魯多健者新城神仙人佩服何都雅蔡
陽亦豪士胸曷快傾寫當時漢廷上功名並嚴馬胡爲
命獨蹇詔獄遽衣赭元蟬號秋林慘慘白日下醺酒祭
臯陶長歌淚盈把近聞高密派姿制矜姚冶不聞黃鍾
聲衆耳愛金瓦吾衰不自力真賞世益寡公能起九原
金鼓破喑啞

食嘉鱻魚作

并序

宋荔裳詠佳季魚詩序海鮓海中之鮓也巨口
大眼魚之美無踰此者土人呼爲佳季不知何

指其來以三月上旬諺云椿芽一寸佳季一陣
云案宋龐元英文昌雜錄云登州有嘉鱣魚
皮厚于羊味勝鱸鰻至春乃盛他處則無余昔
官京師嘗食此魚蓋自津門來者俗稱海鯽魚
今登萊間尤多形與味與其至之時與龐宋說
皆合其字當據龐書作嘉鱣今志書作鯽而
檢字書無鯽字

老嬾無心贊異魚朝朝披雪翦寒蔬登筵忽快饌
一寸椿芽放綠初

萊州春日

舊是掖侯國人烟百里強販魚腥糲室

春網青魚漬以鹽販鬻千餘里

外釀黍壓糟牀

燒春之外惟有黍酒

雲斂山無市

山市與冰開海

有糧

春深冰解而還藩海運豆麥至俗謂之海糧

莫嫌風土異檢點入奚囊

昌邑道中寒食

古路平沙直似弦趁晴重理舊吟韉小溪得雨換新綠
亂樹初芽生煖烟往迹漫尋萊子國故鄉已是杏花天
淒涼桐隔橫山路麥飯恩恩又一年

藤花歌

老藤廣蔭三畝餘乃在聽事東南隅我來霜雪正蕭悴
陸槁疑是樵薪枯苔封石倚勢盤屈五龍糾絞根非孤

蔓延四走絡高架億萬鬼膊相枝梧三月四月土脈酥
一雨再雨甘醍醐柔絲吐春換新綠纖纖嫋嫋森魚須
烟苞露甲看漸坼一夜脫盡青羅襦曉晴睡足帷幕捲
紫氣艷赫驚雙矐瓏玲香界寶瓔珞鉤連綴繫密復疏
奇芬醺醺試微嗅霍然肺病今朝蘇青錢買春作清賞
延客亟喚長鬚奴惜哉地志闕未載又無好句窮追摹
輪囷鬱崛數百載惟供俗眼爲歡娛風塵連塞士失職
得不與此同嗟吁欲求良工寫萬本達之上國傳通都
使知海邦有異植耀艷實與凡葩殊得一知已可無恨
不須九錫爲花諛

奉檄監試七月二十一日發萊州作

離華招我作西行便逐西風數驛程
倚枕雨聲山外斷撲衣雲影隴頭生
沙河策馬新秋漲村店聞蟬衆木晴
又爲槐花忙一度襦衫重憶少年情

曉發濰縣

一夜洗殘暑浩然風露清
畦深百蟲語海曙片霞明
涼夢有時續小詩隨意成
無爲話勞苦行役慣平生

昌樂道中

墨陣蘅臯點暮鴉短籬黃犢幾人家
溪光乍吐巖前月風力難揚雨後沙
紅燭夜涼投倦枕絳河秋遠盼靈槎

青燈歌哭戰場魂回首蒼茫望西極君今所居東海東
慎勿洗硯滄濤中青天墨雨驚蛟龍

時宰登州之萊陽

畫竹歌爲招銘山明府

子庸作

招子姓奇人亦奇能騎快馬千里馳前年試吏到左海
麤袍芒屨無人知生平詩句頗狼藉近來畫筆尤淋漓
醉中直上蓬萊閣左招靈嶠右海若盪胸奇氣怒欲發
粉牆十丈埽狂籜蒼烟翠霧接島嶼朱樓碧城下鸞鶴
千葉萬葉一筆成颺颺掀空吹不落擲筆竟去日未晡
一郡走看青珊瑚仙耶鬼耶驚莫測此筆突兀人間無
今年畫竹爲我貽鄭重邀我爲歌詩一詩豈足重子畫

不置言金
矧復狂語非世宜我欲借爾筆畫作青釣竿尋烟西塞
山泝月嚴陵灘不然斫作過頭杖匡廬峨眉扶我上對
舞長劍赤日低一鼓清琴碧山響尋思此計不易成爾
竹爾竹空崢嶸客懷羈屑白髮生勸爾弗畫蕭蕭槭槭
秋風聲

春木以通菰閣詩錄見寄

用世心空壯編詩歲易殘黃墟諸老盡白髮五湖寒才
恨能奇少名收未死難海樓重把卷萬里見波瀾

題畫

山空一塔明徑斷萬竹折尋僧不知寒孤筇曳殘雪

題張詩舲觀察

祥河垂釣圖

我居日所出坐釣扶桑雪願約任公子東尋倉海君虹
絲自天下鼈餌更誰分此樂共千古莫令塵世聞

偶成

罷柳耽宴坐飽飯計亦得十日不出門山山老秋色

秋湖篇同詩舲作

明湖東秋烟空明湖西秋草萋木蘭槳沙棠舟往復還
湖中流湖中流雙鴛鴦鴛鴦照影秋波長西風吹夢天
始涼渚蓮雖紅花已少岸柳雖綠絲已老渚花岸柳愁
奈何美人進酒揚雙蛾淺酌翠羽深紅螺願君百歲紅

有宜集詩金
顏酖聽我宛轉江南歌
歌聲長歌聲短湖波日夜去莫
挽東方月出歸且緩

夜雨

秋晴亦已久氣候轉蒸燠風從樹間來微雨夜鳴屋孤
坐無與儔衰燈一花綠昨聞郭外田種麥期已促翻犁
待沾漑急起叱黃犢窮山多驚羽得飽始馴伏無食遂
可憂嗟嗟弱之內盜賊或類然豐歲吏所視庶幾秋苗
茁繼以臘雪足來年告司農諸縣麥大熟

膠州

海氣東南月珠光大小山

州有大珠小珠二山

來邀故人語卻借

講堂閒

時寓膠西書院主講爲李少伯

舶減常年稅

比年商舶至者甚少

河淤舊

日灣

膠萊河已淤

魚鹽利猶在何術拯民艱

上巳偶成

海國風高統羽斜蕭然掾史散晨衙偶成小飲非修禊

坐對深春未見花世上神仙供妄語

城南有神仙洞村人率于是日賽社

燈前符牒送年華卻思三月湖頭路草綠裙腰走鈿車

清明

海上清明天氣長顛風吹亂鞠塵黃繞城走馬看春色

插柳垂檐似故鄉雨好始知珠玉賤花遲差免蝶蜂狂

獨憐好鳥能娛客爭弄新聲落枕旁

曉作

逐鼓銅龍曙色催
白雲蒼霧鬱難開
海東環處山如抱
鴈北歸時燕未來
陶寫中年賸絲竹
夢遊仙境記樓臺
日長無事惟行藥
狼籍春風半畝苔

去年至膠州山長李少白

同

辱贈長律未有以報

也比祭墓還郡復得相見奉簡二首

相逢喜極倒衣裳
曾過膠西舊講堂
師授九經韋氏譜
風流千古鄭公鄉
門生芒屨爭來赴
刺史窪樽每共嘗

謂戴已
山刺史

海岱論詩王宋遠
看君旌旆更飛揚

素月流光滄海湄
彩雲遙遶尺書遲
江湖杜老懷人白

風雨隴公上冢時放筆早推潮水論編茅誰遺草堂貲
君老屋已不能居歸來笑向兒童問鬢點霜痕又幾絲

南藤聽事偶作

柳芽青後又槐芽春色無多客裏家欲飲難求公使酒
初開爭獻郡人花
東坡有郡人田賀二生獻花詩時翟文泉張芻之兩進士各以折枝見贈
故云樊籠依舊飢如鶴鼓吹居然開似蛙待築高樓俯滄
海醉看中夜浴金鴉

五月二十四日喜雨作用東坡次章傳道喜雨詩

韻

山東郡縣皆禱雨蜥蜴囊中叫冤苦龍山以西旱尤甚

馬頭日日漲塵土黃梁白黍盡未種但有微青草芽吐
中丞拜章達民隱命除米稅檄馳羽爭從遼海轉雲帆

萬里風濤孰能禦西來販負聚如蟻食貴依然歎窮戶
免米稅後悔舡齎糧頗多而西來販運者不絕於道故登萊糧價亦復翔貴東方得雨亦未

足屢濬山中石潭古
土山有龍潭疏濬之輒得雨連枷打麥固可喜

登萊青麥收尚稔猶有秋禾種須補可憐十萬貧與羸命懸龍

公與龍母朝來毒熱似三伏膚汗淋漓不堪撫顛風吹

海海欲立大樹低昂拜而舞沛然一雨一尺強若哺嬰

覩餓時乳今年天許喫飽飯一夜街頭聞好語氣通山

澤捷靈應秋賽應祠日月主
萊山之眾山皆在轄境更思東南最

繁富上腴萬億難計畝一從災祲告頻仍細數年干未

及午

江浙自癸未大水後比歲不登至甲午始大豐熟

補瘡剜肉苦凋敝未必

家家積箱庾京師仰食更難緩已聞踴躍輸漕府昨來
鄉信告麥熟豐樂終歸德施普小臣雀鼠偷太倉且作
長歌詫豪武

詩舲以平津館落成詩索和

微之州宅句新裁寫寄芙蓉島畔來
道暑應添浮月舫落成剛借盪風杯

詩舲方有贅壻之喜

談天炙輠賓筵集埽地焚

香古帙開直欲呼爲五花館主人南道最憐才

浣渠至萊州述罷官以來事并出近作見示

君來東海問扶桑安得消愁海上方春夢功名一彈指
楚騷哀怨九回腸空懷漫刺誰知己莫上高樓恐憶鄉
何日同尋仙姥去十千兌酒醉餘杭

浣渠餘杭人

柬嚴問樵明府

保庸

漢廷嚴助厭承明

君由庶常出幸棲霞

小縣牽絲政易平狂漢人

疑仲長統單家才重薛宣聲轅駒局促愁難免市虎傳

聞客易驚看取訟庭如電埽不妨九朽遺閒情

君善畫

苦雨

始信天真漏翻疑海盡傾雷穿破冢出風捲怒潮行展
簾宵寒重摧輶過客驚不知青嶂外日月幾時生

請霽登臺數淫霖暮復朝泥塗悲益甚蛙黷氣方驕隴
畔禾生耳溪頭樹沒腰顛風茅屋敗閭巷更蕭條

陳仲子墓

不知齊相祿安羨楚王金偕隱無良匹難爲高尙心殘
碑何處覓荒草夕陽深日暮驅車過惟聞秋蚓吟

復以監試至濟南

槐花歷亂舞晴空監試重呼玉局翁人謂識塗宜老馬
我來有信似秋鴻雨中虹斷華泉落鳥外雲歸佛峪通
月倚風淪光景好更煩搜索付詩筒

中秋月三首和坡公韻寄詩舲德州春木松江建

木盧氏

暝柯息羣噪奔雲倏西東高堂設芳醴夜涼時一中

是夕

監臨鍾公召飲

既退默對影蕭穆閉簾櫳靜數壺漏永坐覺百

念空月從何方來下階走相從高處寒不勝嗟爾神仙

宮河明拂早雁露下號百蟲夙居月出處清輝攬無窮

胡爲海濱月卻向客館逢夜夢巨緡釣秋鯨聽噦鳴

幾回頭上月照我與君別蟾蜍不能語桂露白淒咽去

年笑迎君殘書手中擲清言竟日夜樂事數未闕扁舟

掠湖鏡挈音動林樾狂揮黃頗黎醉折綠荷葉

去年與詩舸同

遊明湖

偶緇舊吟詩往跡尙可說佳人碧雲遠孤嘯秋凜

栗重看去年月高樓炯如雪

嘗同登明遠樓看月

涼簾夜輾轉鄰

鐘耿將絕

悠悠吳淞江木落秋水清迢迢熊耳山犖确車難行兄
老髮日短歸讀戶晝扁弟貧歸未能遂隔垣簾聲尋兄
舊遊處汴花照衣明弟兄同根生蹤跡難合并矧我隨
颿風泛泛大海萍何年歸雲堂共臥秋檐晴杯酣肺腑
出詩好公侯輕茫茫託後約渺渺紆今情

歸雲春木家堂名

題張寄琴明府

積功

鶴樓雅集卷子

西風颯颯聲滿紙檣燕檣烏飛欲起張君語我舊遊此
把瓊高樓弔江水劉郎泯前落日黃吳王峴上暮烟紫

英雄人物浪淘盡莫問區區崔與李捫蘿嬾叩仙人扉
一舞銅劍黃蛇飛醉中狂興欲騎鶴樓頭鶴瘦憎君肥
十年一夢如掣電豈料逸足隨塵鞿逢逢踏鼓不自由
低頭束帶慙督郵明湖清淺不洗愁卻憶接天江水流
江流東下萬里經子盡從我觀東溟蓬萊之閣蠡勺亭
三壺竦秀在戶庭舊時玉笛儻在手更請吹與龍公聽
余與陳觀察嘉樹同號仲雲今年同在關中戲呈

小詩

萬事可參無我相古今多有姓名同異時誰別
杜子夏坐客輒驚陳孟公雨徑尋詩雙屐慣書牀
命酒百杯空

平生慕蘭終難及敢說相如賦筆工

放榜

雲雷尺木快騰空放鎖清宵漏未終君子六千誰健者

今歲試者六千餘人

河山十二此雄風

山東凡十府二直隸州

難窺骨相驪

黃外已判升沈頃刻中會看繭繡歸

聖阜玉鞭花拂御街紅

天齊淵

并序

前漢郊祀志天齊淵水居臨淄南郊山下下者

顏師古註下下謂最下者臨淄城南有天齊水

五泉竝出蓋謂此也水經注淄水自山東北流

逕牛山西又東逕臨淄縣故城南東得天齊水
口水出南郊山下謂之天齊淵五泉並出南北
三百步廣十步山卽牛山也左思齊都賦曰牛
嶺鎮其南是也水在齊入祠中齊之爲名起于
此矣地理風俗記曰齊所以爲齊者卽天齊淵
名也其水北流注于淄水云云道光乙未予監
秋試自濟南還妹婿徐君業鈞方宰臨淄邀予
往觀過安樂莊折而東涉淄抵牛山麓三泉側
出厓石間噴薄下注下有盤陀石橫臥半畝許
色深碧一穴圓如瓊泉湧穴中直上旁一穴尤

小沸然怒溢高皆丈餘視趵突雄壯不逮而奇
過之泉在山麓最下而北流注于淄以齊故城
視今泉南北正相直又泉之數凡五證之書傳
皆合李餘慶以城東南龍池當之誤矣泉冬不
甚寒或名之溫泉泉之出可考者明萬曆二十
年我朝康熙元年壬寅十六年丁巳乾隆九年
甲子厥後通塞不常而志乘有闕乾隆間縣令
李錦輝言泉側舊有碑載古諺云官府清溫泉
開溫泉開豐年來今碑不可見而豐泉瑞泉之
名猶有稱者泉久塞去年以來乃出今益壯將

以兆豐年與抑亦徐君之政無不修而旌之以
瑞也既還萊州爲詩以貽徐君

久暘秋浸縮清溜涸寸碧言循牛嶺下仄步榛蕨闢斜
坡石戴土厫土墳埴赤泉側出者三天紳曳修白恣韻
激天鯨餘晶矯素翮錯彩霞翻晨傾汞月瀉夕其下廣
且袤蒼雲臥磐石披導若啓窾璽拆乍留隙伏虬怒思
起雙螭鬚十尺串串珠出喉仰吐不可搯擺撼無停機
眩掉屢移席高營獸材壯深刻龜趺窄泉上新構石亭
亭上有前政楊
碑公俯聆聞根清遐睎野情適粵齊稱大邦得號繫靈澤
秦祠八神重顏注五泉覈水經覩經枝地理析疆索腹

齊觀神異允矣符衆籍在僻真賞稀則古俗論革誰沿
龍池訛今聞冒曩迹父老復有詞豐瑞民利益官清斯
兆豐此言聖不易清其一心勗豐乃衆情懌永祝茲泉
肥毋俾我民瘠

今年種菊數畦自濟南歸花適盛開以詩自勞

鋤荒剔蠹半年餘幻出屏風錦不如繞徑秋生蟲語外
當杯花放客歸初競憐壓帽香真淡自喜開畦計未疏
好事誰家能角勝荒衙豪舉一軒渠
何春舫太守張芻
之進士亦嗜菊花
開無能如
吾家者

同英煥堂太守文登蓬萊閣作

蓬萊高閣何穹窿
苔礎下壓金銀宮
天容海色遠無際
萬古元氣歸洪濛
我來作守七十日
幾回登眺淩長風
九原文人謹受職
黃星不騁波冲融
天琛地寶億萬數
縱有賦筆難爲工
頗思乘夜看日出
離山西去偏怱怱
今來雪曉新寒加
縹渺重問仙靈家
求仙秦帝意最切
可憐已載輶輶車
青津碧荻入天薤
何須乞取供殘牙
但願郡縣歲大有
還濟穀賤如泥沙
千艘稠載近易致
黃梁白黍兼胡麻
登萊產穀少歲取岫巖蓋平寬鄉窄等處以足民食謂之關東糧
鄉競糴買竈嫗鼓腹無咨嗟
使君于時志豐樂無事但
放山城衙竟來此處投巨觥
十釐一釣詞非夸離而腊

之飽萬室我亦入座分饒杖大笑吸盡杯中霞

陸日爲曉棧道圖

秦南蜀北千峰峭風雨騎驢日吟嘯二十年前汗漫遊
今朝失喜身重到細看八尺懸生綃作者遂山之老樵
老樵名重康熙朝奮筆能使山動搖山中平地無尺寸
千間棧閣青岩巖利州龍門最斗絕嘉陵遠瞰風江濤
半空縹緲度人馬縵路百折緣秋毫蠻雷黑箐怪鳥舞
清霜赤阪驚猿號客行到此毛髮立劍外日落西風高
孤雲兩角幾千丈千梁無柱安可往由來益州重天府
設險分明羅指掌君不見乾嘉之際多鈔盜窮山驚見

犂牛蠹十年殺氣纏草木千里人烟虛井竈赫然
聖怒責驅除電掃厓垠白日照披圖休唱蜀絃哀縞素
漠漠青天開五丁未鑿崎嶇路終古惟思撫御才

張芻之進士

爾牧

新買小園頗有花木之勝暮春

置酒見招因成長律二首

昔人栽種已成陰欲買何能惜百金便傍綠杉營野屋
更添青磴入烟岑爭奇花有驕人色向晚雲無出岫心
我若山栖償此願十年前已矢抽簪

春去堂堂可若何誰哀老子共婆娑暖風盡日吹紅雨
芳醞從君捲白波簾外遠峰晴更碧鶯邊飛絮暮偏多

幾時細譜花遊曲付與村娃宛轉歌

風雨傷稼民多流亡既請緩征復率諸吏富人輸
白金二十餘萬兩益以官錢立法分賑冬及春
凡五閱月麥熟乃止因爲數詩識痛定思痛之
意

政闕陰陽沴捫心疚在余淹傷嗟水際補救費躊躇國
算金錢重村人廩廡虛七亡還七死流涕鮑宣書
初喜秋禾盛饔飧庶療飢奇災坐風雨下戶遂流離才
劣迂籌策權輕失便宜一官容竊祿無乃愧瘡痍

聽話窮檐事令人涕泗橫賣兒償一飽浮海句餘生

民流

十九涉廢屋千村有寒衣百衲成北風驅雨雪鴻雁夜
海而東悲鳴

振贍鄉閭重錙銖冒較量勢窮憂鈔掠歲暮急周防幾
處頒私米肫然念翳桑豈惟風俗古保富此奇方
病入飢腸易誰爲藥餌投哭聲多入夜疫氣并侵牛帷
蓋恩難遍灰釘禮不周寒郊休極目薤唱動人愁

宵旰勞

清問封章入告頻艱難終集事浩蕩已同春大吏維持
重皇天許食新愼毋刑憲觸忍死作良民

淄水詠古

弱冠懷大意吾思耿扶風謁帝至盧奴決策氣如虹戰
勝淄水上振旅洛陽中弟兄垂青紫累葉受大封爲將
道家忌鋤夷鮮能終自非主恩厚功名胡獨隆淮陰拔
全齊事迹先後同中興與開創大漢推兩雄鍾室事已
矣讀史悲無窮

淄川硯

并序

淄川梓桐山石門澗有石曰青金色青黑相雜
其文如銅屑范文正公知青州取以爲硯發墨
類歛今東方人多用之或曰范公石見澗水燕
談錄今燕尾溝礪硯者堆列道周以千百計質

粗不堪用余往來數矣未見所謂青金者

官道奔車塵撲面道旁磊磊石千片方圭圓璧製各殊
問名言是淄川硯淄川硯始范文正見石思公當起敬
居人雕磨射微利反以粗頑招詬病紅絲佳名重藝圃
柳公石末果何取唐宋以來論硯材青州所產一二數
錫鼓舊鞆不可見胸水紅絲亦罕覩此石尙冒青金名
炫鬻紛紛賤如土珍材瑰質坤靈輸無乃氣盡山骨枯
只愁拙匠乏真賞搜索未冝窮榛蕪斑連文采闕不發
抱奇蘊美空山隅可憐近世盡貴耳梧臺革匱遭揶揄
君不見梓桐之山石門澗雲烟佳氣無時無

東海歌送周將軍

志林還蜀養親周爲登州總兵官

海童晝遊波浩浩珊瑚市上日出早佩劍同謁萊君祠
樓船頻過田橫島朝來東海邊飲馬水清澈暮來東海
邊磨刀水嗚咽平生百戰今老矣入水斬蛟心未死白
雲親舍萬里遙愁逐潮聲朝暮起酌君別酒重徘徊水
流到海何時回花驄玉勒褒斜去少年提刀殺賊處到
家上壽芙蓉秋芙蓉城下粉江流舉杯見月應相憶月
正來從東海頭

剗船歌

民剗濟官剗含愁問水腳民剗日日添河水日日落

小船長丈餘裁可二十石錢少捉得來大船避無迹
十日南皮縣一月天津關有船飢欲死賣船徒步還

海船詞

海神廟中先進香日午揚帆客舉觴四月南風吹黑浪
酒醒明日到遼陽

獨坐

孤雲淡客心獨坐有微吟暮雨看秋色槐花黃已深

黃樹齋鴻臚

爵藏

典試山左以長律見贈述舊感

今因成三十四韻

大雅誰稱首平生託久要奎躔連海岱使節下雲霄交

態無枯菀今人久寂寥五言情款款廿載事迢迢曩者
吾宗老爭誇薦士饒君爲家梅梁門下士過從攜僞侶談謔涉清
宵東觀聲殊赫南牀地更超遲回獨焚草奮激輒彈蕉
除拜新綸數都俞

泰運昭嘗聞

九重歎坐遣八風調昔往曾吳舫

樹齋嘗典武江南

茲來又漢

輶揮鞭驛柳暗駐轡渚蓮凋座密袍花擁簾明燭藻燒
是邦推邴鄭當世望終晁善相寧無馬歡呼快得梟慚
余叨縉綬回憶極蕭條歲月奔輪過關河斷梗漂經年
臥蠻瘴一室闔夔魑影駭飛星蠱歌傷跳月苗幽燕重

策騎瀟皖慣停橈壯盛行如此升沈豈自料模糊爵里
刺拋擲短長謠浩蕩滄溟合神仙殿闕遙千愁送落日
萬怪弄奔潮驢磨尋陳跡余乙酉嘗守登州鳩枝戀折荇親朋
笑驚劣鬢髮漸霜飄諸郡秋偏旱連旬土似焦蝗多喧
拚捕龜坼困炎歊正賦當輸粟貧村只種蕎猶思拊羸
瘠未忍就漁樵天地心終轉文章道不消相逢幸砥礪
欲報匪瓊瑤縣宇迴元氣訐謨繫達僚艱難企霖雨潤
澤慰崇朝

戲和樹齋閣中詩四首

斯道關衰盛吾儒見淺深遲迴數行字辛苦昔年心事

祕重簾護經疑故帙尋如傳大將令刁斗夜沈沈

議題

未定升沈事相看各有情小牕憐笋束老眼爲花明白
有因緣在更無門戶爭風雲動溟渤著意掣鯢鯨

分卷

買來金駟裏擎出繡螯弧錦樣誇新見琴音賞不孤百
年風氣在一笑姓名無

魁卷初刊
皆無姓氏

崇正朝廷意文章事

豈誣刻文

清秋方撤棘璀璨榜花題事後論成敗人間雜笑啼星
垂官炬密月捲暮簾齊劍氣終騰躍無憂五色迷

揭榜

花宜館詩鈔卷之八終